



ՈՐՈՇՈՒՄԸ ԼՊՕՐԻՆԻ է

ԱՐԴԱՐՈՒԹՅՈՒՆԸ ՍՐԻ ԺԱՅՐԻՆ

Օրջափակման մասին թերթի անցած համարներում տպագրված նյութերն ինձ անակրկալի չբերեցին, այլ ճակատս պատեցին ազգային արժանապատվության վիրավորանքից ծնված ամոթի քրդտինքով: Դրամատիկ վիճակների մեջ ամենածանրը, կարծում եմ, անգորության զգացումն է: Մեր հարևան բաշխրոզուկներն օրեցօր ավելի են լկտիանում ու դառնում առավել ագրեսիվ՝ հենց այս փաստից ելնելով՝ որևէ դիմադրության չհանդիպելով, նման դիմադրության հնարավորությունն անգամ չակնկալելով: Բայց իրականում վիճակն այդպես չէ, իրականում մենք կարող ենք խուժանիճ զսպաշափկ հազցնել՝ գոնե նրա իսկ թելադրած ու գործադրած միջոցներով: Մինչև ե՞րբ պիտի հանդուրժենք Ադրբեջանին պատանդ մնալու վիճակը, ինչքա՞ն պահպանենք քաղաքակիրթ ասպետի կեցվածքը, երբ նախամարդու բնագոյներով դեկավարվող հակառակորդը ոչընչի առջև կանգ չի առնում: Դեռ հավատո՞ւմ ենք, որ գըտնըվում ենք մեր անվտանգությունն ապահովող պատվարի հովանու տակ: 70 տարի շարունակ մեր աշխարհասասան տերությունը սուր է բարձրացնում՝ ի պաշտպանություն մեծ ու փոքր ճնշված ժողովուրդների, ի հարկե, երկրագնդի մեկ վեցերորդ մասից այն կողմ: Եվ այդ վարքագիծը համարվել է լեհիճյան սկզբունքներից բխող քաղաքականություն: Բայց պարզվում է, որ նման քաղաքականությունը լոկ մեր մենաշնորհն է, որ բոլոր պետությունները միայն ճնշող են ու ագրեսիվ, մեզնից բացի: Իսկ եթե հսկայածավալ երկրում ավազակային խմբերը բռնադատում են մեկ այլ ժողովրդի իրավունքները, ապա վերջինիս պաշտպանությանը ուղղված ձայնը դրսից սառը պատերազմի վերապրուկ է:

Ադրբեջանցիները նորից փակել են երկաթուղին, նորից մտել են մեր գնացքներն ու ֆիզիկական բռնություն կատարել հայերի դեմ: Գրեթե ամեն օր Արցախում և սահմանամերձ վայրերում հոսում է անմեղ հայի արյունը, այն հալի, որն այս պետությանը ծառայել է հավատարմությամբ, անձնագոհությամբ: Բայց այսօր, քաղաքացիական կոիվներում, Հայրենական պատերազմում և ամենուր հայերից անհամեմատ քիչ ավանդ ներդրած ադրբեջանցիներն ըստ էության ավելի բարձր են գընահատվում և բացահայտ հովանավորվում են նույն երկրի ղեկավար մարմինների կողմից:

Ուրիշ ճանապարհ չի մնում, բացի ինքնապաշտպանության բազմազան միջոցներին ապավինելը: Ազնվագարս թույլ մեղուն անգամ իր կյանքի գնով զգացնել է տալիս իր գոյության իրավունքի փաստը: Լուսահոգի հորեղբայրս՝ քաջակորով սասունցի մի մարդ, երեխաներին խրատում էր՝ շառից հեռու մնացեք, բայց երբ այն գոռով գալիս ու քեզ է կըպչում, առաջին հարվածը հորդ էլ չգիջես, թե չէ էս աշխարհում քո ապրելը կդառնա ավելորդ:

Այսօր պետք է նման գի-

տակցությամբ ղեկավարվեն բոլորը, հստակ վարքագիծ մը շակեն կոնկրետ գործողությունների համար: Համբերությունը, երբ սահմանն անցնում է, փոխարկվում է ստրկամտության: Իսկ մենք հազարամյակներով ենք ապացուցել հակառակը:

Լեոնային Ղարաբաղի պըրոբլեմի կարգավորման վերաբերյալ ԽՍՀՄ Գերագույն խորհրդի նոյեմբերի 28-ի որոշումը վերջնականապես ցըրեց մեր բոլոր պատրանքները: Ադրբեջանի ծայրահեղականները՝ հանրապետության պետական մարմինների գործուն մասնակցությամբ, համոզված են, նաև Մոսկվայի գերագույն իշխանությունների համաձայնությամբ, ավելի խըստացրել են շրջափակումը:

«Խորհրդային Հայաստան» թերթում երեկ հրապարակված հարցազրույցը՝ ՀԿԿ Գորխի շրջկոմի առաջին քարտուղար Ռոբերտ Ալեքսանյանի հետ, կրկին ապացուցեց, որ ԽՍՀՄ ՆԳ գորամիավորումներն ու կովկասի արյունարբու թաթարների ավազակաբարո «սև բլուզավորները» նույն բանակի ջոկատներն են: Այդ հարցազրույցն ընթերցելիս հիշեցի քուրդ հրոսակների խժոժությունների ու նրանց զսպելու անվան տակ հայկական գավառներն ուղարկված սուլթանական զորքերի գազանությունների մասին փաստերը: Ժամանակակերթն ու անվանումներն են փոխվել, մնացած ամեն ինչ անփոփոխ է:

Ես այլևս չեմ հավատում երկրաշարժի հետևանքները վերացնելու համար կենտրոնական իշխանությունների պատրաստակամության մասին պնդումներին: Հակառակ դեպքում ո՞ւմ ստորանքով է, որ Հայաստանի աղետյալներին արտասահմանից ուղարկված միլիոնավոր դուլարների արժողության բժշկական սարքավորումները կորչում կամ թալանվում են դեռ Հայաստան չհասած: Հայոց հարուստ լեզում համարժեք բառեր և արտահայտություններ ունի՞ միայն «մարդասիրությունը» գնահատելու կամ բնորոշելու համար: Տեսա՞ք հեռուստատեսային ռեպորտաժը, թե ինչպես էին իտալական փրկարարները մեր երկրի պրեզիդենտին շնորհակալություն հայտնում այն մեծ մարդասիրության համար, որ թույլ է լինել հայ աղետյալներին հասնել փլատակների տակից: Թույլ էր տրվել «վերակառուցումը» պրոպագանդելու համար: Միայն պրոպագանդելու, այլապես այսօր չէր հովանավորվի Լեոնային Ղարաբաղի ու Հայաստանի վայրենաբարո շրջափակումը: ԽՍՀՄ Գերագույն խորհրդի տխրահոշակ որոշման պարունակած հավաստիացումներին ի հեճուկա:

Մեզ համար ամեն ինչ հըստակացել է, միայն ոչ էական մի անորոշություն է մնացել. ո՞վ է ում ձեռքին գործիք, Ադրբեջանի ազգային ճակատը կենտրոնական իշխանությունների, թե՞ հակառակը: